

READINGTON

Restaurant

Bed & Breakfast

Mawlai Mawiong Rim

Shillong, Meghalaya

81320 00254 / 93781 87148

/87875 66272

Mawphor

Khabor Khasi

Ba Man Ka Sngi

Ba Nyngkong

READINGTON

Restaurant

Bed & Breakfast

Mawlai Mawiong Rim

Shillong, Meghalaya

81320 00254 / 93781 87148

/87875 66272

Seisoh ka Projek

COME jong ka

Mother’s Union, Tura

Shillong, Jylliew 22 : Ka Mother’s Union, Tura ka pynpaw ia ka jingkmen kaba khraw halor ka jingseisoh ka projek COME (Community Onward Movement for Education), ka sienjam kaba buh thong na ka bynta ban kyntiew ia ka pule puthi ha nongkyndong.

Ia kane la pyllait padibah ha ka jingialang kaba long ha ka 21tarik Jylliew ha Working Women’s Hostel, Mission Compound Tura ha kaba la donlang nادهuh ki riewshemphang kiba don bynta ha ka pule puthi ha ka jylla.

Ka jingialang ka la sdang da ka jingduwai bad

Bteng Sla 7

Wan phai sa 311 ngut

ki nong India na Iran

New Delhi, Jylliew 22: Ka India ha ka sngi U Blei ka la wan kit ia kumba palat 3 spah ngut ki nong India kiba sahkut ha Iran na ka jingdon ka thma ha kane ka ri.Ka Ministry of External Affairs (MEA) ha ka kyrwoh khubor ka la iathuh ba 311 ngut ki nong India kiba la wanphai da ka liengsuiñ napoh ka nongbah Iran ka Mashhad.La iathuh ruh ba haduh mynta ki la don kumba 1,428 ngut kiba la wanphai na Iran.Lah ban pynkynmaw ba ka India ka la plie ia ka Operation Sindhu ha u taiew ba la dep ban wanlam biang ia ki nong India na Iran.

Ka FOCUS ka dei ka skhim kaba

iarap bha ia ki shnong ha ki thain

nongkyndong: Conrad

Shillong, Jylliew 22: Kum shi bynta ban pynkupbor ia ki shnong ki thaw bad ban kyntiew ruh ia ka ioh ka kot jong ki ka sorkar Meghalaya ka la sdang ban sam ia ka pisa kumba T. 19 klur ka jingiarap pisa sha ki Producer Groups (PGs)hapoh ka prokram FOCUS (Farmers’ Collectivisation for Upscaling Production and

Marketing Systems) pro-gram ha ka kylleng ka jylla. Na kane ka pisa kumba T. 8 klur la dep ban sam sha palat 4,600 tylli ki PG ha Garo Hills ha kaba kane ka long kum shi bynta na ka liang ka sorkar ban kyntiew ia ki shnong ha ki thain nongkyndong.

Ia kane la pynbna da u

Bteng Sla 7

Angnud ka YDO ban ithuh ia ka Urnar

kum ka jaka jngohkai ha Meghalaya

Mawkyrwat, Jylliew, 22: Ka Youth Development Organisations (YDO) jong ka shnong Mawrap, South West Khasi Hills District hapoh ka jingialam u Bah Steady Syiemlieh da ka jingsngewkittkhlieh ban pynneh pynsah ia ki jingitynnad ia ka mei

Bteng Sla 5



Ka result Class-10 ka MBOSE ka kiew kynsan sha ka 96.02%,

Katba ki report ka (SDG) NTIAyog bad ka

ASER ka pyni da kumwei

Hadien ba la pynbna ia ka result Klass 10 jong u ne u snem 2025 baroh ki la ia kyndit ban iohi ia ka jingpass ki khynnah, kaba la long haduh 87.10 % (na ka 100 ngut kiba ia leh ha ka exsamin) kaba ym ju don. Lada shim lang ia ka result ka Supplementary ka jingpass (pass percentage) ka long haduh 96.02 %. Ka pass percentage ka la long tam ia ka pass percentage ka jylla Tamil Nadu 93.80% bad Maharashtra 94.10%. Ka

pass percentage man la u snem ha kine ki 2 tylli ki jylla ka ju long hi tam ia ka 90%, bad ngim phylla ia kata, namar ka jylla Tamil Nadu bad Maharashtra ki dei ki jylla kiba la shai kiba la dap la biang ha baroh ki liang.

Imat dei na kane ka jingkiew kynsan ka pass percentage ki khynnah mynta ka snem ha ka jylla Meghalaya, ba la don ka jingiakren ha ka Rynsan iathir ha u bnai April bad ba

la pynmih ha ka You-tube platform, namar ba la don bun kiba ia kylli ba, na kaei ka daw kaba ki nonghikai ki la leh ban pynproh jabieni kynsan ia ki khynnah ha ka jylla tang hapoh ka shi snem? Kiba ngeit niam bha lei lei, lehse kin mut ba kane ka dei ka jingleh phylla u Blei.

Na ka jingiathir ngi sngewthuh shai ba ka jingkiew kynsan ka jingpass ka dei na kata ka CM Impact Guide Book, la ong ruh ba

Bteng Sla 7

Sa ar ngut kem ka SIT halor ka

jingshah pyniap u Raja Raghuvanshi

Shillong, Jylliew, 22: Ka Special Investigation Team (SIT) jong ka tnat Pulit Meghalaya ka la kem sa arngut ki brieve na Indore ha kaba iadei bad ka jingtohkut halor ka jingshah pyniap jong u Raja Raghuvanshi.

U Superintendent of Police ka East Khasi Hills Bah Vivek Syiem u la pynthikna halor kane ka jingiohkm sa arngut ki brieve, uwei uba dei u trai jong ka iing kaba la aiwai ha ka iingmala sha u Vishal Singh Chauhan, uwei pat u dei uba la shah kynnoh ba dei uba donkti



lang. La iathuh ba ka Sonam Raghuvanshi ka la sah ha kane ka iing shwa ba kan shah kem hadien ba ka la phetrieh..

Uba ar uba la shah kem la ngeit ba u dei u Security Guard jong ka ling mala bad u dei uba la shah suba ba u don ia ka jingtip kaba bniah halor kane ka jingia.

Ka thymmei khubor jong ki Pulit ka la iathuh ruh ba na ka CCTV Footage la iohi ia u trai jong ka iingmala, ba la ithuh kyrteng kum u Silome James, uba weng ia ka pla kaba dei jong ka Sonam

Bteng Sla 7

Kyrshan sa ka US ia ka thma Israel,

khyrwit ia 3 tylli ki ktem nukliar ka Iran



Washington, Jylliew 22 : Ka United States ka la mih lang ha ka thma jong ka Is-rael pyrsnah ia ka Iran ha ka step jong ka Sngi u Blei da kaba pynhap haduh 30,000 pound u bom ha ka ktem kaba don bun bha u mar Uranium kaba don hapoh u lum. Kane ka jinghiar thma kynsan ka

la don ruh ha ka jingma ba ka lah ban nang pur ka thma hadien ba ka Iran ka la maham lypa ia ka US.

Ka US ka la siat ruh da ki phew tylli ki missile bad na ka liang u President

Donald Trump ha ka jingkren lyngba ki television

Bteng Sla 5

La khang ban

pyndonkam ia ki

plastik ba rben 120

micron

Khliehriat, Jylliew, 22: U Deputy Commissioner ka East Jaintia Hills District ula pyntip ba katkum ka Plastic Waste Management (Amendment) Rules, 2024 ryngkat ka jingbthah jong ka Jhing Court, Meghalaya ha kaba iadei bad ka mukotduma PIL (Phuyosa Yobin Vs State of Meghalaya & anr), la khang ban pyndonkam ia ki plastic kiba rben ia ka 120 Micron khamtam kito kiba pyndonkam shisien bad bret noh.

La bthah ba baroh ki trai dukan, ki Whole Seller, ki Supplier bad ki nongdie

Bteng Sla 7

Yn wan tem ka kynhun Jason Derulo ha

Shillong ha ka tamasa Cherry Blossom



Shillong, Jylliew 22: Ka kynhun tem Jason Derulo, ka pop-R&B superstar na Mi-ami, USA ka la pynkhreh ban wan tem live ha ka tamasa Cherry Blossom Festival 2025.

Kane ka tamasa kan long biang ha Shillong nادهuh u Naiwieng ka 14-15 tarik, ha kaba kane kan khring ia kiba bun ki nongwan jngohkai na ka kylleng ka pyrrthei kiba ieid ia ka

Bteng Sla 7

Ioh jingmyntoi ki khynnah skul ka Alpha na ki

jinghikai halor ka rukom treikam ki Pulit

Nongpoh, Jylliew, 22: Shi bynta ban lum jingtip halor ka jingtreikam ki Pulit ban wan rah ia ka shongsuk shongsaiñ bad ka bha ka miat ki paidbah ha ki shnong ki thaw, ki khynnah skul ka Alpha English Higher Secondary School na ka Class- XI, nalor ka jingpule puthi ha ki skul, ki la leit ban iuh

kjat ha Nongpoh Police Station ha ka sngi Thohdieng, kaba long shi bynta ban wad jingtip halor ki rukom treikam ki pulit bad shakri ia ki paidbah.

Ha ka jingialam ki nonghikai, kitei ki Khynnah Class-XI ka Alpha English Higher Secondary School

Bteng Sla 5

Shah kem 3 ngut kiba pajut

ia ki sohshkor ksiar na ki 2

ngut ki khynnah rit

Shillong, Jylliew 22: Kumba 3 ngut ki brieve ba kynthup lang ia kawei ka khynnah samla kaba dang 16 snem ka rta ki la shah kem ha ka jingkynnoh ba ki la donkti ha ka kam pajut sohshkor ban tuh ia ki jingdeng shkor ksiar na ki arngut ki khynnah rit ha nongbah Shillong.

La iathuh ruh ba kawei ka khynnah CCL kaba dang 16 snem bad 9 bnai ka rta,

Mabanker Jyrwa 23 snem ka rta na Jaiaw, Lansonalane bad Charles Myrthong ba la 20 snem ka rta na Riatsamthiah ki la shah bat ha ki pulit ka Mawlai, East Khasi Hills, iathuh u SP Bah Vivek Syiem ha ka sngi u Blei.

U tei u heh pulit u la iathuh ruh ba la dep ban kurup ia ki tiar hadien ba la ialam da CCL bad kiba shah

Bteng Sla 5

Hukum ka Sorkar Manipur ban

pynshisha ia ki Degree ba ai ka

CMJ University, Meghalaya

Imphal, Jylliew, 22: Ka Sorkar Manipur ha ka sngi Thohdieng ka la pynmih da ka hukum ba baroh ki nonghikai Kolej ki dei ban aiti bad ban pynshisha ia ki syrnot M.Phil./Ph.D. ba la ai na ka Chandra Mohan Jha (CMJ) University, Meghalaya ba la shah khang bad na kiwei kiwei ki jaka pule.

Ka jingpynshisha kan kynthup ia ka jingiasyllok bad ka University Grants

Commission (UGC), ka tnat Pule Puthi jong ka Sorkar Meghalaya, bad kiwei kiwei ki skulbah kiba don hapoh ka ri India khnang ban pynshisha ia ka jingshong aiñ jong ki Degree.

Ha ka Office Memorandum, ka Joint Secretary (Higher & Technical Education) Laishram Dolie Devi, ka la pynmih ia ka jingbthah sha baroh ki nonghikai skul sorkar bad ki skul ba ioh

Bteng Sla 5

Shano ka jah ka CM Scholarship scheme

kaba T. 6,000, kylli u MDC ka Tura

Shillong, Jylliew 22: U MDC ka BJP na Tura u Bernard Marak u la buh ka jingkylli ia u Myntri Rangbah ka jylla haba iadei bad ka jingjah ka bai bam Scholarship Scheme kaba T. 6 hajar tyngka.

Ha ka kyrwoh khubor u MDC u la ong ba ka Chief Minister’s scholarship na ka bynta ki samla pule post

matric lah siew duna bha bad kam iahab bad ka jingkular ba la ong da u Myntri Rangbah u Conrad K Sangma ha ka dorbar mang tyngka kaba la dep.

U la iathuh ruh ba u Myntri Rangbah u Conrad K Sangma u la pynbna ha ka 5 tarik u Lber ba ki samla pule Post Matric kin ioh ia ka Chief

Bteng Sla 7

Mynmiet talasi ki Pulit ka Nongpoh Traffic ia

ki kali ha surokbah ban tem ia ki kam sniew

Nongpoh, Jylliew 22: Hadien ka jinglap ia bun ki nongpynkheini aiñ ha surok bah nادهuh kiba ieng beaiñ khamtam ki trok ba ju wanrah ia ki jingia aksiden bapher bapher, ka jingdih kyliad ha ka por ba niah kali, ki kam khaai drok bad ban tehlakam ia ki kam sniew, ki pulit jong ka Nongpoh Traffic Branch hynnin ka miet ki la mih sha surok bah ban talasi naphang ia ki kali kiba kiew sha Shillong bad kumjuh ruh kiba hiar sha Guwahati.

Kum ban shu kdew ba ka jingia aksiden ki la jur bha ha kine ki khyndiat sngi bad ki khyndiat bnai ha ka thain

Bteng Sla 5

Amul

The Taste of India

maSti

Goodness with every spoon

DAHI

Helps in improving immunity, gut health and bone strength

₹ 77* 1kg

MASST DAHI

40g PROTEIN

Map (incl. of all taxes). Conditions apply.

Pyllait ka Sorkar ia ka baibam jong

u snem 2024-25 sha ki samla pule

Shillong, Jylliew, 22: Ka tnat Pule Puthi jong ka Sorkar Jylla ka la pynbna ba ka la pyllait ia ka First Instalment (20%) jong ka Post-Matric Scholarship na ka bynta ki samla pule Scheduled Tribe (ST) jong u snem pule 2024-25. Kane ka sienjam kan pynmyntoi ia ki 66,000 ngut ki samla pule kiba la pyniasoh ia ki Bank Account jong ki bad u Aadhaar.

Ka pisa ba dang sah ban sa pyllait ha ka 2 bad 3 Instalment ka shong katkum ka jingpyllait pisa na ka

Bteng Sla 7

Ban pynsahnam ia u Dr. BR Kharlukhi

Da ka folklore music video pyllait ki khun

bad aiti sha ki shlem pule ka nongbah

Shillong, Jylliew 22 : Ha ka sngi ba ka pyrrthei ka rakhe ia ka World Music day, ki khun jong i Dr. Hamar Babiang Kharlukhi (bam kwai ha dwar u Blei) ki la pyllait paidbah ia ka folklore music video kaba la ai kyrteng 'Ko Lapalang' kaba une u Doktor u la thoh ia kane ka jingrwai nادهuh ki snem 1980 eiei.

Ia kane ka folklore music video kaba la pynbit pynbiang da u Bah El Dhar bad u Bah Elmer R. War uba dei ruh u khun balai jong une u nongthoh bad ba la rwai ia ka da ka samla Veeraleen Ameda Khongsit

Bteng Sla 5

Pyllait ka sorkar ia ka MGMP ka season

ba lai ha ka sngi World Music Day

Shillong, Jylliew 22: Ka sorkar jylla ka la pyllait ia ka Season 3 jong ka Meghalaya Grassroots Music Project (MGMP) ha ka prokram kaba la long ha ka janmied ka World Music Day, kaba mynta kaba ai kyrteng da ka Chief Minister’s Grassroots Music Programme (CMGMP).

Ia kane ka prokram la pynlong ha Lariti Main Auditorium, Shillong, ha kaba u Myntri Rangbah ka jylla u Conrad K. Sangma u la long u kongsan ha ka jingiadonlong u Myntri ka tnat Tourism u Bah Paul Lyngdoh kum u Symbud kongsan ha ka jingiadonlang ki artist, ki heh sorkar, ki nongshong shnong bad ki paidbah kiba ieid ia ki jingrwai.

Bteng Sla 5

DEPARTMENT OF AGRICULTURE

MEGHALAYA

DISTRICT LEVEL EVENT

CUM

COMPETITION ON HORTICULTURAL CROPS & HONEY

KA JINGIAKOP IA KI MAR REP & KA NGAP

JHUR

SOH SAW, BIT, KAJOR, BISKOT, PHAN SAW, PHAN LIEH, KUBI, MOTOR, PATHAW, PHYRNGOP, SOH KHIA, MULI SAW

NGAP

NGAP DKA

NGAP TEM

SOH

SOH PLUM, SOH SAHEP, SOH APPLE, SOH MANIR, SOH LAGOON, SOHPHOH-NONGKHLAW SOHPIENG, KAIT SYIEM, SOH PHAN, SOHTRUN

SYNTIEW

FOLIAGE PLANTS/ KI SLA, GERANIUM, ORCHID, SYNTIEW JAIJAW, LILIUM, ALSTROEMERIA, SUCCULENTS

FLORAL

ARRANGEMENT

TARIK: 26 JUNE 2025

POR: NADUH 09:00 - 2:00 PM

JAKA: OPHIS JONG

KA DISTRICT AGRICULTURE OFFICER,

EASTERN WEST KHASI HILLS, MAIRANG

KI KYNDON NA KA BYNTA KA JINGIAKOP PYNINAM:

• KI NONGSHIM BYNTA KI DEI BAN THOH SHAI IA KA KYRTENG, SHNONG, PHONE NUMBER BAD JAID JINGTHUNG HA I SLA KOT.

• KI MAR REP KUM KI JHUR KI DEI BAN DON LANG BAD KI SLA RYNGKAT BAD KI THIED. KUMJUH RUH KI SOH KI DEI BAN DON LANG BAD KI TNAT DIENG RIT RYNGKAT BAD KI SLA.

• NA KA BYNTA KA NGAP, KI BITOR KI DEI BAN LONG KIBA KHUID BAD KABA BATAI SHAI SHAPHANG KA JAIT NGAP (PROPER LABELLING) HA KI STICKER, LEM BAD KYRTENG, SHNONG BAD PHONE NUMBER.

• KI MAR REP KI DEI BAN LONG KIBA I PLUNG, I KOIT, I KHAH BAD BA LAIT NA KI JINGBAM KHNIANG BAD JINGPANG.

• KA POR PDJANG IA KI MAR REP HA KA OPHIS JONG KA DISTRICT AGRICULTURE OFFICER, MAIRANG KAN DEI HA KA 26 TARIK U JYLLIEW, 2025 NADUH 9: 00 AM HADUH 2:00 PM (YM PDJANG SHUH PALAT IA KA POR)

• IA KI NONGGOP YN SA PYNTIP BAD KA JINGSAM PRIZE KAN LONG HA KA 27 TARIK U JYLLIEW, 2025.

• KI NONGSHIM BYNTA KI LAH BAN WAN SHIM NOH IA KI MAR REP JONG KI HADJEN KA 4:00 PM HA KA 27 TARIK U JYLLIEW, 2025.

BAN IOH JINGTIP BA KHAM BNIAH, LAH BAN WAN MIH SHAI KA OPHIS JONG

KA DISTRICT AGRICULTURE OFFICER, EASTERN WEST KHASI HILLS, MAIRANG.

C
M
Y
K

C
M
Y
K